

La vischnanca da Val Stussavgia prenda l'ultim obstachel

■ (cc) **La regenza grischuna sutta metta al cussegl grond ina missiva per la fusiun da las vischnancas da Stussavgia, da Tenna, da Valendau e da Versomi a la nova vischnanca da Val Stussavgia. Sch'il cussegl grond dat ses consentiment, po la fusiun vegnir realisada per il 1. da schaner 2013.** Las quatter vischnancas da Stussavgia, da Tenna, da Valendau e da Versomi han concludì da furmar en l'avegnir ina vischnanca politica cun il num Val Stussavgia. Ils 25 da november 2011 èn las

votantas ed ils votants da las vischnancas s'exprimids a favur d'ina fusiun. Suent ha la regenza approvà la cunvegna correspudenta. Davart la fusiun da vischnancas vegn il cussegl grond a decider definitivamain en la sessiun d'october 2012. La regenza ha deliberà la missiva per ina fusiun da las quatter vischnancas a la nova vischnanca da Val Stussavgia. La fusiun da vischnancas vegn subvenziunada cun ina contribuziun chantunala da promoziun da 5,9 milliuns francs.

Stussavgia, Tenna, Valendau e Verso-

mi collavuran gia oz intensivamain e cun success en differents secturs, per part cun agid d'organisaziuns surordinadas. Er sin il champ cultural e social existan dapi ditg stretgs lioms. La fusiun permetta da schliar differentas furmas da collavuraziun intercomunala. Uschia èsi pussaivel da far ina rectificaziun essenziala da las structuradas en ils secturs da la furmazion, dals pumpiers e da la selvicultura. La vischnanca da Val Stussavgia vegn ad appartegnair per entant a duas differentas regiuns d'ospital.

La nova vischnanca da Val Stussavgia surpiglia la vopna dal circol da Stussavgia. Las vischnancas da Valendau e da Versomi che faschevan fin ussa part dal circol da la Foppa vegnan integradas en il circol da Stussavgia. Cun 15 142 hectaras posseda la nova vischnanca in territori considerabel. Ella è pia quasi tuttina gronda sco la nova vischnanca da Arosa, che vegn a resultar da la fusiun dad otg vischnancas dal Scanvetg. Il center d'administraziun vegn ad esser a Stussavgia.